



## Universitätsbibliothek Paderborn

**R.P. Clavdii Aqua-Vivae Societatis Iesv Præpositi  
Generalis V. Meditationes In Psalm. 44. et 118**

**Acquaviva, Claudio**

**Coloniæ Ubiorum, 1616**

88 Secundūm misericordiam tuam viuifica me: & custodiam testimonia  
oris tui.

[urn:nbn:de:hbz:466:1-50645](#)

multi sunt hostes visibles, inuisibiles, ex Hostium  
terni, interni, ut perpetuo clamare cogar, multitu-  
Deus in adiutorium meum intende: Do-  
mine ad adiuuandum me festina. Visibiles *Psal. 69.*

angunt, & persequuntur; inuisibiles sine  
intermissione premunt: externi ingruunt,  
interni sine cessatione configunt, eo peri-  
culosius, quo interius, & occultius: eo im-  
portunius, quo peruvicacius. Utinam disca-  
mus cauere, quem gerimus. Hic nobis ho-  
stis domesticus; hic inimicus grauis est, no-  
strum ipsum corpus: vt merito mihi cla-  
mandum ad te sit, vt eripias me ab his, qui *Psal. 54.*  
appropinquant mihi.

Inter has tamen luctas, & periculosa cer-  
tamina nunquam dereliqui mandata tua, *In pugna*  
tum, quia hęc meditatio mihi custodia est:  
tum, quia nullis laboribus, aut periculis à  
lege tua deflexi, sed constantissimè man-  
data tua seruauitum denique, quia in tot  
angoribus constituto nullum est maius so-  
latium, quam legem tuam meditari: quæ  
& in humilitate mea consolatur me; & in  
necessitatibus subuenit, & ab aduersariis  
custodit; & animam refouet, ac delectat.

88 Secundum misericordiam tuam vi-  
uifica me: & custodiam testimo-  
nia oris tui.

**V**iuisatio quedam est à periculis ma-  
ximis, & imminentे morte liberari:  
quod si feceris, per viuinserum vitæ meæ

## 464 MEDITATIONES

cursum custodiam testimonia tua. Sed ne  
aut æterna morte premar, aut hic peccati  
morte obdormiam, continua mihi viuifi-  
catio necessaria est; & ideo misericordia,  
qua viuificer. Ut continua, ac perpetua sit  
in hoc corpore viuificatio, quo quotidie  
iustus tibi viuam, peccato moriar. Certè  
tu viuifasti semper Sanctos tuos, cùm in  
virtute gratiae seruasti, & à prolapsione bono-  
rum, perpetua quasi redemptione custodi-  
sti; vitam & misericordiam tribuens illis,  
& visitatione tua custodiens spiritum co-  
rum! Imo & ipsi Martyres, qui moriendo  
glorificauerunt te, testimonia tua custodi-  
endo, in ipsa morte viuificati sunt: ne a-  
mando vitam negarent vitam; & negando  
vitam amitterent vitam; ac sic, qui pro vita  
veritatem deferere noluerunt, moriendo  
pro veritate vixerunt. Testimonia autem  
dixi oris tui, siue quia per os Prophetarum  
tuorum ipse loquebaris: siue quia magnam  
ingerit deuotionem, & reuerentiam scire,  
quia ipse Dominus, ipse Sapientia ea mā-  
data prouulisti: siue (quod dulcissime sapit)  
quia ipse filius Iesus, os æterni Patris can-  
legem, quæ perfectionem resonet, proprio  
ore docturus esset: cum ipse, qui multifariè,  
multisque modis olim Patribus locutus e-  
ras, tandem in filio, qui in sinu Pa-  
tris semper est, locutus es,  
& cœlestia nar-  
raſti.

Lamed,

*Aug 10.**Aug hic.*

Oris tui,  
sur dica-  
tur.